

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 04/2-19-385/24
Sarajevo, 15.5.2024. godine

VLADA FEDERACIJE BOSNE I HERCEGOVINE
Generalni sekretarijat Vlade Federacije BiH
gđa. Edita Kalajdžić, sekretar Vlade
Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:	17-05-2024		
Org. jed.	Broj	Priloga	Vrijednost
05/1	-02-	248	124

Predmet: Odgovor na zastupničko pitanje Adnana Efendića

Veza: Vaš akt broj: 03-04-838-34/24 od 29.4.2024. godine

Poštovana,

u vezi postavljenog pitanja, koje je postavio zastupnik u Zastupničkom domu Parlamenta Federacije Bosne i Hercegovine, gosp. Adnan Efendić, a koji se odnosi na povećanje zaštićene teritorije na području Federacije BiH, dajemo sljedeći:

ODGOVOR

Federalno ministarstvo okoliša i turizma (u daljem tekstu: Ministarstvo) kao predlagač Zakona o zaštiti prirode („Službene novine Federacije BiH“, broj 66/13), čijim odredbama je predviđeno unaprijeđenje i zaštita prirodnih vrijednosti Federacije BiH, a samim tim i povećanje zaštićene teritorije je pokretalo i pokreće aktivnosti u cilju povećanja zaštićene teritorije na području Federacije BiH.

Ministarstvo je u saradnji sa Program Ujedinjenih nacija za okoliš (United Nations Environment Programme - UNEP) i drugim relevantnim institucijama provelo projekat „Postizanje očuvanja biološke raznolikosti kroz uspostavljanje i efikasno upravljanje zaštićenim područjima i izgradnju kapaciteta za zaštitu prirode u Bosni i Hercegovini“, koji finansira Globalni fond za okoliš (GEF)

Projekat je primarno bio usmjeren na proširenje mreže zaštićenih prirodnih područja u Bosni i Hercegovini.

Projektom je planirano 10 novih zaštićenih područja (u cijeloj BiH), te bi se teritorija pod zaštitom povećala 100%, na nivou BiH približno 7% što je ipak uzimajući u obzir iznimno bogatstvo diverziteta, specifičnu biološku raznolikost, prirodne ljepote i prirodne fenomene, predstavlja relativno malu površinu u odnosu na onu koja je predviđena prostorno-planskom dokumentacijom i onu od 17% koja je predviđena Strateškim planom za biološku raznolikost za period 2011–2020.

U okviru navedenog projekta, predviđena je uspostava pet novih zaštićenih područja u Federaciji Bosne i Hercegovine i to:

- Livanjsko polje,
- Planina Zvijezda
- Pećinski sistem Vjetrenica,
- Bjelašnica-Treskavica-kanjon Rakitnice i

- Botaničko-floristički rezervat Mediteranetum Neum

Nadležnost u oblasti zaštite prirode u BiH regulisana je na entitetskom nivou, a osnovni zakonski akt na kojem se zasniva zaštita prirode, uključujući i kategorije zaštićenih područja, te postupak zaštite, definisani su Zakonom o zaštiti prirode Federacije BiH ("Službene novine Federacije BiH", broj: 66/13).

Osnov za proglašenje je prostorno-planska dokumentacija i izrađeno stručno obrazloženje, **te saglasnost općinskih vijeća** na čijim područjima se prostire planirano zaštićeno područje.

Kao što smo naveli Ministarstvo je pokretalo i pokreće inicijative u cilju proglašenja novih zaštićenih područja, ali je većina aktivnosti obustavljena, jer nisu dostavljene tražene saglasnosti općinski vijeća.

Nadalje što se tiče odredbi 58 i 60 Zakona o zaštiti prirode Federacije BiH ("Službene novine Federacije BiH", broj: 66/13) dajemo sljedeći odgovor:

U Bosni Hercegovini je proveden Projekat „Podrška za provođenje Direktive o pticama i Direktive o staništima u Bosni i Hercegovini”, koji je finansirala Vlada Švedske, a vodila Delegacija Evropske unije u Bosni i Hercegovini.

U okviru projekta definisana su 122 Natura 2000 područja, koja se temelje na naučnim kriterijima usvojenim uglavnom na osnovu literaturnih podataka i malo terenskog istraživanja i na osnovu ove dvije Direktive. Područja zauzimaju površinu od 9.567,7 km² što predstavlja 18,63% teritorije BiH. Prema administrativnoj raspodjeli to su: 3 područja u Brčko Distriktu, 58 u Federaciji Bosne i Hercegovine i 61 područje u RS-u.

Kao što je navedeno, većina područja je predložena na osnovu literaturnih podataka i preporuka projekta je da se za sva predložena područja još urade terenska dodatna istraživanja, da bi se ista zvanično usvojila.

Ministarstvo je pokrenulo aktivnosti u cilju izrade Inventarizacije i geografske interpretacija vrsta i staništa u Federaciji BiH, što nam je aktivnost definisana u Federalnoj strategiji zaštite okoliša 2023-2033, čijom realizacijom će se ujedno potvrditi predložena Natura 2000 područja i stvoriti će se uslovi za usvajanje istih od nadležnih institucija kao preduslov za članstvo u Evropsku uniju.

S poštovanjem,



Dostaviti:

- Naslovu,
- Predstavnički dom Parlamenta Federacije Bosne i Hercegovine, Hamdije Kreševljakovića 3, Sarajevo, n/p sekretar Doma naroda Parlamenta Federacije Bosne i Hercegovine g-din Izmir Hadžiaović
- a/a